

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADONAČELNIK**

Broj: 02-45-11472/26  
Zenica, 09.06.2026. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 28. Zakona o pozorišnoj djelatnosti („Službene novine Zeničko-dobojskog kantona“, broj 4/16), a u vezi sa Pravilima Javne ustanove Bosansko narodno pozorište Zenica br. 266/23, 850/23 i 1255/25 i Odlukom o standardima i kriterijima za imenovanja na upražnjene pozicije u reguliranim organima Grada Zenica („Službene novine Grada Zenica“, broj 5/25), u postupku izbora i imenovanja dva člana Upravnog odbora Javne ustanove Bosansko narodno pozorište Zenica, Gradonačelnik Grada Zenice objavljuje

**O G L A S**

**za izbor i imenovanje dva člana Upravnog odbora  
Javne ustanove Bosansko narodno pozorište Zenica**

Objavljuje se Oglas za izbor i imenovanje dva člana Upravnog odbora Javne ustanove Bosansko narodno pozorište Zenica, koje imenuje osnivač, iz reda uglednih umjetnika i priznatih radnika u kulturi koji nisu zaposleni u Javnoj ustanovi Bosansko narodno pozorište Zenica.

Upravni odbor imenuje se na mandatni period od četiri godine.

**I OPIS POZICIJE**

Upravni odbor je nadležan i odgovoran da: donosi Pravila Pozorišta, uz saglasnost Osnivača; usvaja i donosi i druga opća akta Pozorišta utvrđena ovim Pravilima i daje njihovo autentično tumačenje; po potrebi pokreće inicijativu za usvajanje općih akata Pozorišta i nalaže direktoru izradu njihovog prijedloga, u skladu sa odredbama Pravila; imenuje i razrješava direktora Pozorišta; na prijedlog direktora usvaja planove i programe rada Pozorišta, u skladu sa Zakonom o pozorišnoj djelatnosti; donosi finasijski plan i usvaja godišnji obračun; odlučuje o svim pitanjima obavljanja djelatnosti radi kojih je Pozorište osnovano, ako zakonom ili ovim Pravilima nije regulisano drugačije; usmjerava i kontroliše i ocjenjuje rad direktora Pozorišta; rješava sva pitanja odnosa sa Osnivačem i Sufinansiranjem iz svojih nadležnosti; odlučuje o korištenju sredstava u iznosu od 12.000,00 KM i više; odgovara Osnivaču za rezultate rada Pozorišta; podnosi godišnji izvještaj o poslovanju Osnivaču; odlučuje o prigovorima radnika u drugom stepenu, na akte direktora kojima se rješava o pojedinačnim pitanjima iz radnopravnog odnosa; odlučuje o pitanjima dugoročnog zajma i zakupa poslovnih kapaciteta Pozorišta i vrši druge poslove u skladu sa zakonom, Pravilima i općim aktima Pozorišta.

Kandidati moraju ispunjavati opće i posebne uslove.

**II OPĆI USLOVI**

Svaki kandidat mora ispunjavati sljedeće posebne uslove:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije,
4. da se na kandidata ne odnosi član IX.1. Ustava Bosne i Hercegovine,

5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
6. da nije izabrani dužnosnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine,
7. da nema privatni i/ili finansijski interes u javnoj ustanovi u čiji upravni odbor se kandiduje,
8. da istovremeno nije član nadzornog ili upravnog odbora ili odbora za reviziju ili skupštine, uprave ili menadžmenta, niti u svojstvu ovlaštene osobe drugog privrednog društva ili institucije ili agencije,
9. da istovremeno nije član više od dva upravna odbora pozorišta i da, ako je rukovodeće lice pozorišta sa područja Zeničko-dobojskog kantona, nije član upravnog odbora drugog pozorišta u zemlji ili inostranstvu,
10. da nije direktor ustanove, rukovodilac organizacione jedinice i zaposlenik u Pozorištu u koji se imenuje,
11. da nije osuđivan za krivično djelo i za prekršaj nespojiv sa dužnošću u javnoj ustanovi u čiji upravni odbor se kandiduje, pet godina od dana pravosnažnosti presude, isključujući vrijeme zatvorske kazne,
12. da nije lice kojem je presudom suda zabranjeno obavljane aktivnosti u nadležnosti javne ustanove u čiji upravni odbor se kandiduje.

### III POSEBNI USLOVI

Svaki kandidat mora ispunjavati sljedeće posebne uslove:

1. VSS - VII stepen stručne spreme, ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova, umjetničkog, humanističkog ili društvenog usmjerenja,
2. najmanje 5 godina radnog iskustva nakon sticanja visoke stručne spreme,
3. da posjeduje ostvarene i dokazane rezultate rada u oblasti kulture, umjetnosti, nauke ili obrazovanja,
4. da posjeduje stručno znanje iz oblasti rada i organizacije javnih ustanova i/ili institucija,
5. da posjeduje komunikacijske i organizacijske sposobnosti,
6. da posjeduje sposobnost da savjesno i odgovorno obavlja poslove iz nadležnosti upravnog odbora javne ustanove u koji se imenuje,
7. da posjeduje sposobnost nepristrasnog donošenja odluka.

### IV POTREBNI DOKUMENTI

Uz svojeručno potpisanu prijavu kandidati trebaju dostaviti:

1. kraću biografiju sa adresom i kontakt telefonom,
2. diplomu o završenom obrazovanju (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992. godine),
3. dokaz o traženom radnom iskustvu nakon sticanja tražene stručne spreme (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
4. uvjerenje o državljanstvu (ne starije od 6 mjeseci),
5. izjavu kandidata ovjerenu od strane nadležnog organa o činjenicama nabrojanim u tačkama 3. do 10. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost općih uslova za imenovanje iz tačke 11. i 12. odgovorni javni službenik će zatražiti od kandidata koji bude predložen za konačno imenovanje i ista je dužan dostaviti u roku od 5 dana od dana izbora. Uvjerenja ne mogu biti starija od datuma objavljivanja Oglasa.

**Dokumenti koji se prilažu uz prijavu moraju biti originali ili ovjerene kopije.**

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu održavanja intervjua.

Prijave sa potrebnom dokumentacijom treba dostaviti lično na protokol Grada Zenica ili preporučeno poštom sa naznakom:

**“Prijava na Oglas za izbor i imenovanje dva člana Upravnog odbora  
Javne ustanove Bosansko narodno pozorište Zenica  
- NE OTVARATI“  
GRAD ZENICA  
Stručna služba Gradskog vijeća i Gradonačelnika  
- Komisija za izbor -  
Trg Bosne i Hercegovine br. 6  
72 000 Zenica**

**GRADONAČELNIK**

**Fuad Kasumović**